



## **Explicaziuns tar las directivas per l'attestat e la promoziun per las scolas popularas grischunas dals 19 da matg 2005**

Tras la revisiun da las directivas per l'attestat e la promoziun per las scolas popularas grischunas dals 19 da matg 2005 datti tranter auter las suandantas midadas:

1. En il senn d'in scleriment desista l'uffizi per la scola populara ed il sport en ils attestats concepids da nov da la pussaivladad da giuditgar en moda cumplessiva ils roms d'instrucziun "istorgia", "geografia" ed "instrucziun da la natira" resp. "lavurs a maun textil" e "zambregiar" e d'exprimer quels en ina valitaziun communabla. Cunzunt ils suandants interess han chaschunà questa midada:
  - a) Sch'ils singuls roms d'instrucziun vegnan validads separadamain, è quai en il senn dal plan d'instrucziun. En quel èn enumerads ils cuntegns correspondentes per mintga rom e per mintga classa.
  - b) Sch'ils singuls roms d'instrucziun vegnan validads separadamain, dat quai la pussaivladad da giuditgar e da valitar en furma unitara en l'entir chantun.
  - c) Sch'ils singuls roms d'instrucziun vegnan validads separadamain, rinforza quai ils secturs spezial pertutgads.
  - d) Sch'ils singuls roms d'instrucziun vegnan validads separadamain, na vegn impedi nagut. Ina valitaziun separada permetta er vinavant tant ina instrucziun che sa referescha al rom sco er ina instrucziun interdisciplinara. En cas d'ina instrucziun interdisciplinara ston vegnir instruids en il decurs d'in onn da scola – sco fin uss – tut ils roms cumpigliads e ston alura vegnir validads a la fin da l'onn da scola en l'attestat. En l'attestat dal 1. semester n'èsi dentant er en l'avegnir betg obligatoriamain necessari da valitar tut ils roms numnads qua survat.

Facit: Sch'ils singuls roms d'instrucziun vegnan validads separadamain, vegni cuntanschida ina clerezza, senza ch'ina da las furmas d'instrucziun da fin uss vegnia restrenschiada tras quai.

2. En il nov al. 5 da l'art. 7 da las directivas per l'attestat e la promoziun vegn fixà che tut ils attestats da las CPI stoppian vegnir remplazzads tras in rapport davart l'emprender.